



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

1. Quid sit iustificatio hominis.

**urn:nbn:de:hbz:466:1-29452**

1. *Quid sit iustificatio hominis.*
2. *Quomodo accipitur gratis per Fidem in Christum.*
3. *Quod eam necessariò sequi debeat obedientia legis & pia opera, alioqui non retinetur.*

**I**ustificatio est gratuita, id est immerita remissio peccatorum, & acceptatio personæ ad vitam æternam possidendam propter fidem in Christum: Christus enim persona est, propter quam credentibus imputatur gratis remissio peccatorum. Iustificati gratis per gratiam illius. Fides medium est, quo impetratur siue acceptatur remissio peccatorū, quia Fides assentit & credit promissioni diuinę de Christo, quod propter illum vult remittere peccatū. Huic oēs Prophetę testimoniū perhibent, Ioan. 3. vt omnis qui credit in illum, non pereat, sed habeat vitam &c. Hęc Fides, quae sic credit verbo Dei, facit ut peccator reputetur iustus propter Christum. Arbitramur fide iustificari hominem, tametsi adhuc sint reliquie peccatorum in carne, non vult tamē ea imputare nobis. Vita æterna res est, quae necessariò sequitur iustificatos, idq; ex pmissione iustificatis facta, Ioan. 3. vt omnis qui credit in eum, non pereat, sed habeat vitam æternam. Causa igitur iustificationis est, gratuita imputatio iustitiae, ac gratia DEI propter fidem in Christum. Iustificari igitur significat, forensi more iustum reputari seu pronunciari. Iustus in his Pauli disputationibus significat, idem quod acceptus DEO vel placens Deo: Et iustificatio est remissio peccatorum, & acceptatio coram DEO, cum qua est

est coniuncta donatio Spiritus sancti. Nam cum iustificamur, donamur Spiritus sancto, quia corda illum concipiunt, cum audiunt Euangeliū, & ei assentiūt, ac Fide se sustentant in paucoribus peccati, ut promissio spiritus accipiamus per fidē: hęc acceptio spiritus sancti, vocatur regeneratio seu renouatio. Et est inchoatio vitae ęternę in nobis, sicut Christus inquit Ioan. 17. Hęc est vita ęterna, ut cognoscant te solum verum Deum, & quem misisti Iesum Christum.

Hoc igitur semper in animo tenere oportet, quod Deus pater promisit se nobis ignorari propter Christum, sicuti scriptura testatur. Sic promisit Adae Gen. 3. minatus serpenti: Ipsum semen conteret caput tuū. Sic Abrahæ Genesis XXII. In semine tuo benedicuntur &c. Hoc autem semen Christus est, Galat. 3. Sic David Psalm. 131. De fructu vētris tui &c. Hoc ipsum quod Deus Pater vult ignorare propter Christum, testatur ipsemet C H R I S T V S Ioan 3. Sic Deus dilexit mundum, &c. Sic Petrus Acto. 10. Huic omnes Prophetę &c. Paulus ad Colossem. 1. In ipso (scilicet Christo) complacuit Patri reconciliari omnia in ipsum, pacificans per sanguinem crucis eius, siue quae in cælis, siue quae in terris sunt. His scripturæ locis & Dei verbis credere simpliciter oportet, & nullatenus dubitare: Qui enim hæsit, maximè D E V M inhonorat, tanquam verax non sit, Ioan. 3. Rom. 3. Pœnitere igitur oportet de peractis vitijs & cessare, ac sic confugere ad Dei misericordiam, & optare remissionem & credere exhibitam. Fides autem hęc non potest esse sinè pœnitentia & contritione peccatorum. Qui enim gratiam & misericordiam cupit, is ut doleat & pœniteat necesse est. Alioqui non iustificabitur. Igitur Christus ipse prædicat pœnitentiam & fidem Euangelij, Marc. 1. Et sic iussit prædicari in nomine eius pœnitentiam & remissionem, Luc. 24.

Iustifi.